

## I yu'xarij ti huéecaj a'íin ti jo'yú'xaca' i San Juan

### *Juan pu hua'tyojtye'*

<sup>1</sup> Nyáaj i nyaj vásti' pué'een, yanuj muatyojtye' muéetzij Gayo mu nyaj muaxie've', a'íjna i ti ajta tzáahuatyí'ra'aj jin hua'xie've'.

<sup>2</sup> Nye'ihuáara' mu nyaj muaxie've', a'yaa nu tyá'huoo i Dios jimi, ti'ij a'yájna ti'ij tyámua' tyí'muahuire', pajta néijmi'i jin tyámua' een, a'yaa nu tyá'huoo pej pij quee tyi'ijcuí'nyej.

<sup>3</sup> Jéehua nu huatányetyamua'vej mati'ij séecan yará'aj i ta'ihuáamua', majta naaté'exaa paj tzáahuatyí'ra'aj jin tyámua' tyi'tyía'cha'ij a'íjna jitze i nyúucarij ti a'yan tyi'ja'yájna. <sup>4</sup> A'íi

pu a'íin pué'een i nyaj jin huápu'ij huatányetyamua'vej a'íjna i nyaj jáanamuj maj tzáahuatyí'ra'aj jin tyámua' tyityetyúucha'íij i nyiyóojmua'.

<sup>5</sup> Nye'ihuáara' mu nyaj muaxie've', xá'pui' paj ricij a'íjna jime' je'ej paj tyi'tíj jin tyihuá'huire' i ta'ihuáamua', ajta jéetze' a'íjma jimi i maj séej chuéj japua ja'ráacij. <sup>6</sup> A'íi mu jaataxájtaca' hua' jimi i maj jusi'rii i paj jéehua hua'xie've' i axa'aj tyeítyee. A'yaa nu tyí'muahuaviij paj

huo'táhuire'en ti'ij quee tyi'tíj huá'itziitya'aj mati'ij jó'ciinyej, a'yájna ti'ij tya'ráanajchi i Dios.

<sup>7</sup> Ji'nye a'íi mu a'íjna jin muja'ráacij mej mij i Ciriistu' jitze ma'can tyihuo'té'exaatye'en, majta

quee tyi'tíj ancuriáa' a'íjma jimi i maj quee tyá'tzaahuatye'. <sup>8</sup> A'íj pu jin a'yan tyúuxie've' tyej tyij ityáj tyámua' tyihuo'tyéjeevej, tyajta huo'táhuire'en a'íjna jime' tyaj huó'ixaatye'en nyúucarij ti i Dios jimi já'ma'can.

*Diótrefes pu je'ej pua'aj tyi'tyúucha'ij*

<sup>9</sup> Nyáaj nu nyeríj tyihuo'ta'ityi'ri' a'íjma i maj a'áa jóosi'rii, ajta i Diótrefes capu ja'rá'astej i tyaj jin antyítamua'reej, ji'nye ja'ráanajchi ti néijmi'i jin antyúumua'reeriaj.

<sup>10</sup> A'íj nu jin nyati'íj a'áa ja'tanyéj ja'mua jimi, nyáaj nu jajtyá'xi'sij, ji'nye a'íj pu je'ej pua'aj tyi'taxaj hue'tzij jime'. Ajta capu a'íj na'aj jin jutyamua've'ej, sulu capu ajta hua'xie've' i ta'ihuáamua', ajta je'en huá'ijmuej a'íjma i maj jaxie've' maj huo'taxié've'en, a'íj pu'ij huá'muaritye' i maj jusi'rii.

<sup>11</sup> Nye'ihuáara' mu nyaj muaxie've', capáj tyi'tíj jin je'ej pua'aj rijcaj, sulu pata'aj tyámua' tyi'tyía'cha'ij. A'íjna i ti tyámua' tyi'tyúucha'ij Dios pu jitze ajtyáma'can, ajta i ti je'ej pua'aj ricij, capu jamua'tyej i Dios.

<sup>12</sup> Majta néijmi'i mu tyámua' tyá'xaj a'íjci i Demetrio, ajta a'yan tyi'ja'yájna ti a'íin tzaahuatyi'ra'aj jin tyámua' tyi'tyúucha'ij. Ityáj tu tyajta a'yan tyá'xaj a'íjci i Demetrio, pajta muáaj a'yan tyá'mua'reej tyaj jí'r'é'can jime' a'yan tyaataxájtaca'.

*I ti jin ja'antypuá'rij*

<sup>13</sup> Jéehua nu tyi'mua'ixaatya'mui', nyajta quee a'yan tyá'xie've' nyaj tyimuaatayú'se'en

ì yu'xarij jítze, <sup>14</sup> jí'nye a'yaa nu tyá'xie've'  
nyaj jíye'tzín muéetzij jími ja'tanyéj nyej nyij  
muaséeraj nyetyimuáa'ixaatye'en.

<sup>15</sup> Che' ì Dios tyámua' tyimuaatá'an a'tzájta'.  
A'íí mu yámuatyojtye' ì maj muamuajtye.  
Pata'aj néijmi'caa ì nyaj tyámua' naa tyi-  
huá'muajtyej huatatyójtje'en nyejitzé ma'can.

**I nyúucarij ti jájcua ti a'ijna á'xaj i  
Tavástara' i Jesús ti Ciríistu' pue'een ajta  
Salmos  
Cora, Santa Teresa: I nyúucarij ti jájcua ti a'ijna  
á'xaj i Tavástara' i Jesús ti Ciríistu' pue'een ajta  
Salmos New Testament+**

copyright © 2016 Wycliffe Bible Translators, Inc.

Language: Cora, Santa Teresa

Contributor: Wycliffe Bible Translators, Inc.

All rights reserved.

2020-11-30

---

PDF generated using Haiola and XeLaTeX on 21 Feb 2024 from source  
files dated 29 Jan 2022

4f03662f-a4e0-5c7c-a13b-0b7002b5b8f6